

Segun sr. Paul Croes, presidente di parlamento 2009-2013

Tur persona cu wordo pidi pa fungi como ehecutivo pa su pais ta pasa un proceso di investigacion

ORANJESTAD – Segun sr. Paul Croes, presidente di parlamento 2009-2013, tur persona cu wordo pidi pa fungi como ehecutivo pa su pais lo pasa den un proceso di investigacion.

Pa un persona cu ta wordo pidi pa fungi como ehecutivo pa su pais, esaki tin di haber cu investigacion di siguridad nacional y ministerio publico hunto cu aspectonan fiscal pa loke ta trata si comportacion fiscal ta e ta uno corecto si of no. Tur esakinan ta forma parti di un investigacion pa determina si un persona lo ta den un funcion ministeriabel si of no.

FUNCION EHECUTIVO

Na momento cu formado entrega su gabinete na gobernador di Aruba, tur e personanan aki a pasa dicho investigacion caba. “Como parlamentario

bo no ta pasa den e investigacion aki, como cu ta pueblo a pone bo eynan, pero den funcion ehecutivo si, unda ta forma parti di un formacion, esaki ta mara na un ley di screen, Croes a indica.

PROCESO

Segun Croes, e proceso na momento di sali for di parlamento como parlamentario y drenta gobierno como minister, ta cu un politico ta keda acerca pa e organizacion politico cu e ta forma parti di dje, despues di a gana un eleccion, pa forma parti di parlamento di Aruba.

E petition ta bin cerca e persona si e por considera un funcion ehecutivo y na momento cu e haci e evaluacion ey, tin dos forma pa haci esaki. Por gradici di biaha e aceptacion di e miembresia pa parlamento y duna di conoce cu

bo persona a wordo acerca pa un funcion distinto y cu bo ta bay di acuerdo cun’e. Of, un otro forma ta door di tuma e aceptacion, haci e evaluacion y despues hala e aceptacion aden.

9 MIEMBRO

“Den e caso aki nos ta papianando di 9 miembro di Arubaanse Volkspartij (AVP) cu el a gradici pa asina bay over na un proceso di combersacion pa mira den ki funcion finalmente esaki lo resulta”, Croes a bisa.

PRESIDENTE DI PARLAMENTO

Croes mes su trabounan como presidente di parlamento a culmina ayera tardi pa asina diaranson 30 di october pa 9or di mainta, e parlamento nobo lo vota pa e presidente y vice presidente nobo pa parlamento. □

